

583

933

08.06.2016.

Bosna i Hercegovina
 Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Bosnia and Herzegovina
 Federation of Bosnia and Herzegovina
CANTON SARAJEVO
Ministry of traffic
Road Directorate

Broj:04-27-16412/16 JO
 Sarajevo, 26.05.2016. godine

KANTON SARAJEVO
SKUPŠTINA KANTONA SARAJEVO
 n/r Predsjedateljica Skupštine Kantona Sarajevo

HITNO!

Predmet: Odgovor na zastupničko pitanje Maria Vukasovića – dostavlja se:

Poštovani,

Na 14. Radnoj sjednici Skupštine Kantona Sarajevo, održanoj dana 27.04.2016.g. u okviru tačke dnevnog reda "Zastupnička pitanja, inicijative i odgovori" zastupnik Mario Vukasović postavio je zastupničko pitanje:

„Adresiram Vas zbog jednog jako ozbiljnog problema, a koji se već duže vrijeme vuče. Nisam siguran da li je neko od kolega već pokretao ovo pitanje, ali je probnem još uvijek prisutan. Naime, svedoci smo katastrofalnog stanja dijela ceste na tranzitu gdje je došlo do odrona ceste uslijed pokretanja klizišta. Ovaj problem traje već skoro godinu dana no javnost ne vidi da se ista ozbiljnije radi na rješavanju ovog problema. Ovaj otron ceste izazvao je višestruke probleme. Ljudima se urušavaju garaže, cesta prijeti da se dalje odroni i niko ne zna u kojoj mjeri, a svi autobusi i kamioni su preusmjereni da već mjesecima idu kroz centar grada, što izaziva ogromne gužve u gradu i uništava asfalt na glavnoj ulici. Bez obzira što je taj dio ceste u nadležnosti JP Ceste Federacije BiH, mislim da se radi o dijelu puta koji je izuzetno bitan za Kanton Sarajevo. Molim da mi se odgovori da li su provedene ikakve istražne radnje po ovom pitanju? Da li se utvrđivalo ko je odgovoran za otron ceste te da li je Vlada KS nešto poduzela po ovom pitanju?“

Odgovor: Direkcija za puteve Kantona Sarajevo zaprimila je zastupničko pitanje, te Vas obavještavamo, da je ovdje riječ o magistralnom putu koji je u nadležnosti JP Ceste Federacije BiH d.o.o. Sarajevo, te da Direkcija za puteve Kantona Sarajevo nema nadležnosti u rješavanju ovog problema. Također, obavještavamo Vas da je Direkcija za puteve kantona Sarajevo uputila inicijativu JP Ceste Federacije BiH d.o.o. Sarajevo za rješavanje ovog problema, te da smo i Vaše pitanje proslijedili JP Ceste Federacije BiH d.o.o. Sarajevo na nadležno postupanje.

Dana 23.05.2016. godine Direkciji za puteve Kantona Sarajevo dostavljen je odgovor od JP Ceste Federacije BiH d.o.o. Sarajevo, koji Vam u nastavku donosimo u cijelosti:

"Dana 12.05.2016. godine zaprimili smo dopis Direkcije za puteve KS sa inicijativom za normalizacijom saobraćaja teretnih vozila magistralnim putem M5.

Slijeganje trupa ceste M5, dionica: 016_Azize Šaćirbegović – Korija – Ljubogošta, km 2+700 nastalo je na registrovanom klizištu kao posljedica izvođenja radova ispod nivelete ceste od strane investitora Ahmetspahić petrol. JP Ceste FBiH su kroz redovno održavanje u više navrata vršile privremenu sanaciju čime se, uz određena ograničenja, odvijao promet ovom dionicom.



web: <http://dp.ks.gov.ba>
 e-mail: dp@dp.ks.gov.ba
 Tel: + 387 (0) 33 560-402, Fax: + 387 (0) 33 560-426
 Sarajevo, Hamida Dizdara br. 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Bosnia and Herzegovina
Federation of Bosnia and Herzegovina
CANTON SARAJEVO
Ministry of traffic
Road Directorate

Procjenom sigurnosti na prijedlog upravljača obustavljen je promet teških teretnih vozila i autobusa do sanacije slijeganja. Obzirom na tok izvođenja radova na objektu ispod nivelete nije bilo moguće pristupiti radovima na sanaciji slijeganja.

Početkom mjeseca maja 2016. godine investitor je sa radovima na izgradnji objekta i sanaciji klizišta (predviđen projektom i građevinskom dozvolom) bio pri kraju, te su se stekli uvjeti i za sanaciju slijeganja i normalizaciju prometa ovom dionicom.

JP Ceste FBiH d.o.o. su odmah po sticanju uvjeta za sanaciju angažirale projektanta koji je izvršio dodatne dodatne istražne radove, te ponudio prihvatljivo rješenje sanacije slijeganja magistralne ceste.

U narednim danima će se kroz hitni postupak nabavke radova angažirati izvodač i početi radovi na sanaciji. Cijenimo da će se radovi na sanaciji slijeganja trupa ceste i normalizaciji prometa završiti u drugoj polovini 6. mjeseca."

S poštovanjem,



Dostaviti:

Naslovu
– a/a



web: <http://dp.ks.gov.ba>
e-mail: dp@dp.ks.gov.ba;
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1



581

914



Broj: 01-02-2147/16
Ilidža, 26. 05. 2016. godine



(O) SKUPŠTINA KANTONA SARAJEVO

- VLADA KANTONA SARAJEVO
- MINISTARSTVO ZDRAVSTVA KANTONA SARAJEVO
- ZAVOD ZA HITNU MEDICINSKU POMOĆI KANTONA SARAJEVO
(Kolodvorska 14)

PREDMET: Inicijativa vijećnika, dostavlja se

Na 39. redovnoj sjednici Općinskog vijeća Ilidža održanoj dana 26. 05. 2016. godine, vijećnik Amir Džino pokrenuo je slijedeću inicijativu:

„Ovu inicijativu pokrećem u rješavanju višegodišnjeg problema u korist građana općine Ilidža, uključujući Općinu Trnovo i Općinu Hadžići, a takođe u korist zdravstva Kantona Sarajevo. Radi se o Zavodu hitne medicinske pomoći Kantona Sarajevo, instaliranje, funkcioniranje punkta Hitne pomoći. Prethodnih mjeseci i godina svi smo svjedoci kakav je naš punkt Hitne pomoći. Zavod hitne medicinske pomoći KS organizovan je za 6 gradskih općina, ranije Skupštine Grada Sarajeva, a danas Odlukom Skupštine KS organizovana je i djeluje kao Javna ustanova Zavoda za hitnu medicinsku pomoć KS za devet općina ukupne površine 1.274 km² sa 434.000 stanovnika. Znamo da je povećanjem broja stanovnika, pogotovo kad je u pitanju općina Ilidža koja je imala 90-ih 45.000 a danas imamo blizu 100.000 stanovnika. Oni su uključivali i općine Hadžiće i Trnovo. Nama treba Hitna pomoć koja treba da radi 24 sata. Pošto je reforma zdravstva krenula, želim da uputim ovu inicijativu Skupštini Kantona Sarajevo, Vladi Kantona Sarajevo, Ministarstvu zdravstva Kantona Sarajevo i Zavodu hitne pomoći Kantona Sarajevo da razmotre inicijativu i rješe problem. Osnovna karakteristika vremena u kojem živimo jeste brzina i opasnost, zbog ove karakteristike neminovna je posljedica visoka učestalost urgentnih stanja u populaciji, čime se nameće problem adekvatne i funkcionalne organizacije sistema urgente medicine radi spašavanja života građana. Molim da se ova inicijativa preispita radi postavljanja aktivnog punkta Hitne pomoći na Ilidži u funkciju 24 sata radi pružanja bolje i efikasnije medicinske pomoći.“

Molimo vas da nam odgovor na pokrenutu inicijativu dostavite u što kraćem roku u pisanoj formi kako bi isti dostavili vijećnicima u materijalu za narednu sjednicu.

DOSTAVLJENO:

- (1)** Naslovu (4x)
2. Općinski načelnik
3. Evidencija
4. al/a

SEKRETAR

Azreta Grebović dipl.pravnik s.r.

